



Broj:10-05-22321/16
Sarajevo, 28.06.2016.godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH “ br 35/05), Odluke Vlade Kantona Sarajevo o provođenju projekta poboljšanja poslovnog okruženja u Kantonu Sarajevo br. 02-05-29664-3/15 od 13.11.2015. godine, a u skladu sa Ugovorom o savjetovanju zaključenim između Vlade Kantona sarajevo i Međunarodne finansijske korporacije (International Finance Corporation) broj 02-14-29561/15 od 13.11.2015. godine i Rješenja o imenovanju članova Radne grupe za provođenje Projekta poboljšanja poslovnog okruženja u Kantonu Sarajevo br. 02-05-31600-15/15 od 17.12.2015. godine, Ministrica zdravstva Kantona Sarajevo, donosi

ODLUKU

o usvajanju prijedloga/preporuka za pojednostavljenje /eliminaciju/unapređenje administrativnih postupaka

Član 1.

Ovom Odlukom prihvata se Izvještaj Radne grupe za provođenje Projekta unapređenja poslovnog okruženja u Kantonu Sarajevo (u daljnjem tekstu Radne grupe), imenovane od strane Vlade Kantona Sarajevo, Rješenjem o imenovanju članova Radne grupe za provođenje Projekta unapređenja poslovnog okruženja u Kantonu Sarajevo, broj 02/1-02-26080-1/12 od 19.11.2012. godine.

Član 2.

U skladu sa članom 1. Odluke, usvajaju se prijedlozi / preporuke Radne grupe za pojednostavljenje / eliminaciju / unapređenje administrativnih postupaka na nivou Ministarstva zdravstva Kantona Sarajevo, sadržani u Izvještaju koji se nalazi u prilogu ove odluke i čini njen sastavni dio.

Član 3.

Prijedlozi / preporuke iz prethodnog člana, bit će primjenjeni od strane svih organizacionih jedinica Ministarstva, u obavljanju upravnih i sa njima povezanih stručnih i drugih poslova iz okvira svojih nadležnosti, nakon stupanja na snagu Odluke i donošenja odgovarajućih akata Ministarstva kojim će se detaljnije urediti pitanja vezana za njihovu primjenu.

Član 4.

Rok za donošenje akata iz člana 3. Odluke, čije donošenje je u nadležnosti Minisatrstva, iznosi 8 dana od dana stupanja na snagu Odluke.

Član 5.

Zadužuju se rukovodioci organizacionih jedinica Ministarstva, da u skladu sa popisom administrativnih postupaka (Prvi inventar) i usvojenim prijedlozima / preporukama iz člana 2. Odluke, usklade formu i elemente obrazaca, odnosno uvedu odgovarajuće kantonalne obrasce kojima se stranka obraća kantonalnim organima uprave i kantonalnim upravnim organizacijama, prilikom pokretanja administrativnih postupaka, u roku od 15 dana od dana stupanja na snagu Odluke.

Član 6.

Odluka stupa na snagu danom donošenja i bit će objavljena na web stranici Ministarstva <http://mz.ks.gov.ba>.

